



Broj: 01-02-1-221-2702
Goražde, 27.06.2022.god

Na osnovu člana 8. Zakona o ministarskim, vladinim i drugim imenovanjima F BiH ("Sl.novine F BiH", broj:12/03, 34/03 i 65/13), člana 2 Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br. 1/14) i člana 2. Rješenja o imenovanju Komisije za izbor predsjednika i članova reguliranih tijela Grada Goražda (u daljem tekstu: komisija) broj: 01-02-1-221 od 20.1.2021.godine, Komisija, u ime Gradskog vijeća Grada Goražda, raspisuje

PONOVLJENI JAVNI OGLAS
za izbor i imenovanje predsjednika i članova Upravnog odbora JU Dom Zdravlja „Dr. Isak Samokovlija“ Goražde i člana Skupštine JKP „6.Mart“ Goražde

Objavljuje se Javni oglas za izbor i imenovanje predsjednika i članova Upravnog odbora u Javnoj ustanovi Dom Zdravlja „Dr. Isak Samokovlija“ Goražde i člana Skupštine JKP „6.Mart“ Goražde, čiji je osnivač Grad Goražde kako slijedi:

- 1. JU Dom Zdravlja „Dr. Isak Samokovlija“ Goražde**
 - predsjednik Upravnog odbora /iz reda osnivača..... 1
 - član / iz reda stručnih radnika ustanove..... 1
 - član/ predstavnik resornog kantonalnog ministarstva 1

- 2. JKP „6.Mart“ Goražde**
 - član skupštine1

1. Opis pozicije

Nadležnost Upravnog odbora: donosi pravila ustanove; imenuje i razrješava direktora odnosno v.d. direktora ustanove; utvrđuje planove rada i razvoja ustanove; utvrđuje godišnji program rada; donosi finansijski plan i usvaja godišnji obračun; donosi opšti akt o unutrašnjem uređenju i sistematizaciji poslova i druge opšte akte, u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ; rješava sva pitanja odnosa s osnivačem; odlučuje o korišćenju sredstava preko iznosa utvrđenog pravilima ustanove; odgovara osnivaču za rezultate rada ustanove; odlučuje o prigovoru zaposlenika na rješenje kojim je drugi organ određen Pravilima ustanove odlučio o pravu, obavezi i odgovornosti zaposlenika iz radnog odnosa; podnosi osnivaču najmanje jedanput godišnje izvještaj o poslovanju ustanove, te izvještaj o svom radu; bira i razrješava članove stalnih i povremenih radnih tijela ustanove; obavlja i druge poslove u skladu sa zakonima i pravilima ustanove.

2. Opis pozicije

Nadležnosti skupštine: donosi Statut, izmjene i dopune Statuta; etički kodeks preduzeća; odlučuje o povećanju i smanjenju osnovnog kapitala, uz predhodnu saglasnost osnivača; usvaja godišnji izvještaj preduzeća, koji uključuje finansijski izvještaj i izvještaj revizora; nadzornog odbora i odbora za reviziju; odlučuje o raspodjeli dobiti, načinu pokrivanja gubitaka, o spajanju s drugim društvima i pripajanju drugih društava preduzeću, u saglasnost osnivača; odlučuje o promjeni oblika i podjeli preduzeća, uz saglasnost osnivača; odlučuje o prestanku preduzeća sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije, uz saglasnost osnivača; odobrava kupovinu, prodaju, zamjenu, uzimanje i davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33 % knjigovodstvene vrijednosti imovine preduzeća, po bilansu stanja na kraju godine na prijedlog Uprave i Nadzornog odbora; odlučuje o izboru i razrješenju članova Nadzornog odbora pojedinačno; odlučuje o osnivanju, reorganizaciji i likvidaciji povezanih društava i odobravanju njihovih statuta, uz saglasnost osnivača, odlučuje o naknadama članovima nadzornog odbora i odbora za reviziju, na prijedlog nadzornog odbora; donosi odluku o trogodišnjem, godišnjem i revidiranom planu poslovanja, odlučuje o ostvarivanju zahtjeva preduzeća prema članovima uprave i nadzornog odbora u vezi sa naknadom štete nastale pri osnivanju, kupovini ili vođenju poslovanja preduzeća, izuzimanju stalnih sredstava u privrednim društvima, podnosi izvještaj o radu i poslovanju preduzeća Gradskom vijeću najmanje jednom godišnje; odlučuje o zastupanju preduzeća u sudskim procesima koji se vode protiv članova uprave društva ili eventualnim postupcima protiv članova drugih organa preduzeća; odlučuje o drugim pitanjima utvrđenim Zakonom i Statutom.

Kandidati za imenovanje na pozicije iz javnog oglasa, moraju ispunjavati slijedeće uslove:

OPĆI USLOVI:

1. Da su državljani Bosne i Hercegovine,
2. Da su stariji od 18 godina,
3. Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
5. Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oproštene kazne,
6. Da im odlukom suda nije zabranjeno obavljanje aktivnosti na poziciji za koju se kandiduju,
7. Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH, odnosno da nisu u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,
8. Da nemaju privatni finansijski interes u reguliranom tijelu za koji se kandiduju,
9. Da nisu stariji od 65 godina na dan imenovanja.

POSEBNI USLOVI

1. Da imaju visoku, višu ili srednju stručnu spremu;
2. Da imaju najmanje 3 godine radnog iskustva u struci nakon sticanja visoke, više ili srednje stručne spreme;
3. Da nisu predsjednici ili članovi u nekom od reguliranih tijela na području Grada Goražda ;
4. Da imaju komunikacijske i organizacijske sposobnosti.

POTREBNI DOKUMENTI (orginal ili ovjerena kopija)

- Potpisana prijava na Javni oglas sa kraćom biografijom, adresom i kontakt telefonom,
- Izvod iz matične knjige državljana, ne stariji od 6 mjeseci ili ovjerena kopija CIPS-ove lične karte,
- Izjava ovjerena od nadležnog organa gradske uprave ili notara da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- Izjava ovjerena od nadležnog organa gradske uprave ili notara, da se na njih ne odnosi član IX.1.Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),
- Uvjerenje nadležnog Kantonalnog/ Općinskog suda da nisu osuđivani za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršne, zastarjele ili oprostene kazne; (ne starije od 3 mjeseca),
- Uvjerenje nadležnog Kantonalnog/ Općinskog suda da im odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca),
- Izjava ovjerena od nadležnog organa gradske uprave ili notara da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u insitucijama vlasti BIH i Zakona o sukobu interesa u insitucijama vlasti FBiH, da nisu u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,
- Izjava ovjerena od nadležnog organa gradske uprave ili notara, da nemaju privatni finansijski interes u reguliranom tijelu za koji se kandiduju, (ne starija od 3 mjeseca)
- Ovjerena kopija diplome,
- Uvjerenje o radnom iskustvu u struci nakon sticanja visoke ili više stručne spreme;
- Izjava ovjerena kod nadležnog organa uprave ili notara da nisu predsjednici ili članovi u nekom od reguliranih tijela na području BPK Goražde; (ne starija od 3 mjeseca)

Kandidati koji se prijavljuju na javni oglas za Upravni odbor, dužni su u prijavi navesti za koju poziciju se prijavljuju (iz reda osnivača, stručnih zaposlenika ustanove ili predstavnika kantonalnog ministarstva)

Kandidata iz reda osnivača određuje Gradonačelnik Grada Goražda. Prije konačnog imenovanja, Komisija će Gradonačelniku Grad Goražde dostaviti listu kandidata iz reda osnivača, koji ispunjavaju opšte i posebne uslove javnog oglasa, radi izbora predstavnika osnivača i davanja saglasnosti za njegovo imenovanje na poziciju predsjednika UO u JU Dom Zdravlja „Dr. Isak Samokovlija“ Goražde.

Kandidat koji se prijavljuje na poziciju člana/ iz reda stručnih radnika ustanove kao dokaz priložit će potvrdu da je uposlenik navedene ustanove.

Za kandidata/e koji se prijavljuje na poziciju člana/ predstavnik resornog kantonalnog ministarstva, prije konačnog imenovanja Komisija će resornom kantonalnom ministarstvu dostaviti listu kandidata koji ispunjavaju opšte i posebne uslove javnog oglasa, radi izbora predstavnika resornog ministarstva i davanja saglasnosti za njegovo imenovanje na poziciju člana UO u JU Dom Zdravlja „Dr. Isak Samokovlija“ Goražde ispred resornog kantonalnog

ministarstva (Ministarstva za socijalnu politiku, zdravstvo, raseljena lica i izbjeglice BPK-a Goražde).

Kandidati koji uđu u uži izbor, biće pozvani na intervju. Na intervjuu kandidatima će se postaviti pitanja u pismenoj formi iz oblasti organizacije javnih ustanova, javnih preduzeća i nadležnosti upravnog odbora i skupština javnih preduzeća.

Kandidati koji uđu u uži izbor dužni su dati podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatima.

Predsjednika i članove Upravnog odbora javne ustanove i člana Skupštine Javnog preduzeća imenuje i razrješava Gradsko vijeće Grada Goražda uz saglasnost Gradonačelnika.

Mandat predsjednika i članova UO Javne ustanove traje četiri (4) godine od dana imenovanja.

Mandat člana Skupštine JKP traje do isteka mandata ostalih članova skupštine javnog preduzeća.

Predsjedniku i članovima upravnog odbora pripada naknada, u iznosu koji odredi osnivač u skladu sa propisima.

Javni oglas ostaje otvoren 15 dana od dana objavljivanja u dnevnom listu “Dnevni avaz”.

Prijavu sa traženom dokumentacijom dostaviti u zatvorenoj koverti sa naznakom:

“PRIJAVA NA OGLAS ZA IZBOR I IMENOVANJE PREDSJEDNIKA I ČLANOVA UPRAVNOG ODBORA JAVNE USTANOVE DOM ZDRAVLJA „DR.ISAK SAMOKOVLJA GORAŽDE I ČLANA SKUPŠTINE JKP „6.MART GORAŽDE – NE OTVARATI”

Prijavu dostaviti lično na protokol Grada Goražda ili preporučeno putem pošte na adresu:

Komisija za izbor predsjednika i članova reguliranih tijela Grada Goražda
Ul.Maršala Tita 2 Goražde.

Neblagovremene i nepotpune i neuredne prijave neće se uzimati u razmatranje.

DOSTAVITI:

Komisija za izbor predsjednika i članova reguliranih tijela Grada Goražda

1. Službene novine Grada Goražda,
2. „Dnevni avaz”,
3. RTV BPK Goražde,
4. JU Dom Zdravlja „Dr. Isak Samokovlija“ Goražde
5. JKP „6.Mart“ Goražde
6. Predsjedavajući Gradskog vijeća Grada Goražda,
7. Gradonačelnik Grada Goražda,
8. Oglasna tabla Grada Goražda,
9. Web stranica Grada Goražda,
10. U dosije,
11. a/a